

**Bosna i Hercegovina  
Brčko distrikt BiH  
URED - KANCELARIJA ZA  
PREVENCIJU KORUPCIJE I  
KOORDINACIJU AKTIVNOSTI  
NA SUZBIJANJU KORUPCIJE**



**Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА  
ПРЕВЕНЦИЈУ КОРУПЦИЈЕ И  
КООРДИНАЦИЈУ АКТИВНОСТИ  
НА СУЗБИЈАЊУ КОРУПЦИЈЕ**

---

Trg Mladih broj 8 (zona IA), email: [info@aktbd.ba](mailto:info@aktbd.ba)  
Трг Младих број 8 (зона IA), емаил: [info@aktbd.ba](mailto:info@aktbd.ba)

**IZVJEŠTAJ O RADU  
KANCELARIJE ZA PREVENCIJU KORUPCIJE I KOORDINACIJU  
AKTIVNOSTI NA SUZBIJANJU KORUPCIJE U BRČKO DISTRIKTU  
BIH ZA 2022.GODINU**

**Brčko, maj 2023.godine**

Na osnovu člana 12 Zakona o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj: 25/18), Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH podnosi Izvještaj o radu Skupštini Distrikta, a prije razmatranja na Skupštini izvještaj se dostavlja Vladi Distrikta na izjašnjenje.

## **IZVJEŠTAJ O RADU KANCELARIJE ZA PREVENCIJU KORUPCIJE I KOORDINACIJU AKTIVNOSTI NA SUZBIJANJU KORUPCIJE U BRČKO DISTRIKTU BIH ZA 2022.GODINE**

### **UVODNE NAPOMENE**

Shodno članu 12 stavu (3) Zakona o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj: 25/18), Kancelarija za prevenciju korupcije i koordinaciju aktivnosti na suzbijanju korupcije (u daljem tekstu: Kancelarija) podnosi Vladi Distrikta Izvještaj o radu na izjašnjenje, s ciljem da predstavi i prikaže aktivnosti u protekloj godini.

Zakonom o Kancelariji za prevenciju korupcije i koordinaciju aktivnosti na suzbijanju korupcije (u daljem tekstu: Zakon) propisani su antikorupcijski principi i osnovana Kancelarija, kao samostalna i nezavisna i za svoj rad odgovara Skupštini Brčko distrikta BiH. Rad Kancelarije finansira se iz budžeta Distrikta.

U provođenju svojih aktivnosti u proteklom periodu Kancelarija je svoje aktivnosti prije svega usmjerila na organizovanje rada Kancelarije, što je prevashodno obuhvatalo obezbjeđenje poslovnog prostora, pokretanje postupaka realizacije kapitalnih projekata, realizaciju planiranih tekućih rashoda, kadrovsko popunjavanje, a sve u cilju omogućavanja poslovanja Kancelarije i provođenja zadataka propisanih antikoruptivnim zakonima.

### **SMJEŠTAJ, JAVNE NABAVKE I ORGANIZACIJA RADA KANCELARIJE**

Kancelarija je odlukom gradonačelnika o davanju kancelarijskog prostora dobila prostor na korištenje, koji se nalazi u objektu na prvom spratu, vlasništvo Brčko distrikta BiH, internog evidencijskog broja 1172, Trg mladih 8 (zona IA), a uvedena je u posjed navedenih prostorija dana **25.01.2023.godine**. Kancelarija je u proteklom periodu bila smještena na dvije lokacije i to u prostorijama Komisije za odlučivanje o sukobu interesa Brčko distrikta BiH, koje se nalaze na adresi Trg mladih 8, zona IA, na drugom spratu i na adresi Bulevar mira 1 (prostorije bivšeg Odsjeka za žalbe, ljudska prava i komunikaciju sa građanima), što je svakako bila otežavajuća okolnost u radu Kancelarije.

Svi započeti kapitalni projekti Kancelarije su realizirani u 2022. godini.

Ugovorom o donaciji između Ministarstva vanjskih poslova Sjedinjenih Američkih Država i Vlade Brčko distrikta Bosne i Hercegovine, Agencija za borbu protiv međunarodne trgovine narkoticima i provođenje zakona, pri Ministarstvu vanjskih poslova SAD pruža razvojnu pomoć kroz obuku i obezbjeđenje opreme za razvoj kapaciteta Kancelarije, te ukupna vrijednost obezbijedene opreme (informatička oprema) iznosi 3.554,94 američka dolara (6.381,71 KM). Navedena donacija je uknjižena na Kancelariju broj predmeta: 19-S3-13-15/22 od 27.04.2022.godine.

Ugovorom o donaciji između Ministarstva vanjskih poslova Sjedinjenih Američkih Država i Vlade Brčko distrikta Bosne i Hercegovine, Agencija za borbu protiv međunarodne trgovine narkoticima i provođenje zakona, pri Ministarstvu vanjskih poslova SAD pruža razvojnu pomoć kroz obuku i obezbjeđenje opreme za razvoj kapaciteta Kancelarije, te ukupna

vrijednost obezbijeđene opreme ( detektor za mobilne telefone i druge skrivene uređaje) iznosi 5.940,00 američka dolara (11.832,43 KM). Navedena donacija je uknjižena na Kancelariju broj predmeta: 13-19-0110/22 od 25.10.2022.godine.

**Dana 15.08.2022.** godine Kancelarija je preuzela Registre zaposlenih i Registre imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH od Odjeljenja za stručne i administrativne poslove Vlade Brčko distrikta BiH (Zapisnik o primopredaji broj predmeta: 05-000185/20; broj akta: 02-1348NH-0029/22 od 15.08.2022.godine).

Za potrebe uspostavljanja elektronskih registara zaposlenih i imenovanih lica u Brčko distriktu BiH dana 20.07.2020.godine potpisan je ugovor o donaciji softverskog sistema broj predmeta: 05-000560/20 od 20.07.2020.godine, između Organizacije za sigurnost i saradnju u Evropi („OSCE“), Misije u Bosni i Hercegovini i Vlade Brčko distrikta BiH. Ova donacija je ugovorena u svrhu pružanja podrške razvoju online platforme za uspostavu registra zaposlenih u javnom sektoru kao dio OSCE-ovog projekta pod nazivom „ Podrška onapređenja rješenja korištenjem informacijske tehnologije u prevenciji korupcije u Brčko distriktu „,

Predmet donacije su:

- Licenca za File Makere 18 server ( trajne licence)
- Softverska aplikacija Anticorrupti Brčko koja se koristi za vođenje registara i ako postoji potreba podrške IT experta na razvoju iste (angažovanje IT eksperta je završeno sa uspostavljanjem registra i ako postoji potreba podrške IT isto se mora obezbijediti kroz ugovor o održavanju)
- CMS softver (wordpress) za upravljanje i objavljivanje podataka iz registra na web-u sa pripadajućim licencama za neophodne plugin-e ( za potrebe funkcionisanja CMS-a od strane Odjeljenja za stručne i administrativne poslove obezbijeđen je poddomen u okviru zvaničnog domena Vlada Brčko distrikt BiH www. eprim.bdcentral.net za koji je vezan i SSL sertifikat)
- SSL sertifikat za sajt www. eprim.bdcentral.net za period 10.08.2020.-10.08.2022. ( sertifikat se morao obnoviti nakon isteka ovog perioda)

Kancelarija je uradila uknjižavanje doniranih softverskih licenci, aplikacija i sertifikata kao osnovnog sredstva na Kancelariju u iznosu od 7.754,87 KM ( broj predmeta: 13-19-0154/22 od 06.12.2022.godine). Kancelarija je ujedno organizovala pripreme za nabavku usluga održavanja softverskog sistema i plaćanja SSL sertifikata.

U protekloj godini Kancelarija je u skladu sa planom nabavki za 2022.godinu i Zakonom o javnim nabavkama pokrenula i realizovala javne nabavke (reprezentacija, usluge održavanja motornih vozila, nabavka goriva, registracija i osiguranje službenih vozila, usluge hotelskog smještaja, usluge stručnog obrazovanja, nabavka štampanog materijala, nabavka kancelarijskog materijala, nabavka tonera, nabavka higijenskog materijala i sl.).

Pravilnikom o unutrašnjoj organizaciji Kancelarije za prevenciju korupcije i koordinaciju aktivnosti na suzbijanju korupcije, („Službeni glasnik Brčko distrikta BiH“, broj:54/18 i 18/19) propisano je da se Kancelarija sastoji iz više organizacionih jedinica i to: dva Sektora (Sektor za prevenciju korupcije i Sektor za koordinaciju aktivnosti na suzbijanju korupcije) i Službe za pravne, kadrovske, opšte i finansijsko - materijalne poslove.

U skladu s članom 7 Pravilnika o unutrašnjoj organizaciji Kancelarije sistematizovano je 10 radnih mjesta, odnosno ukupan broj zaposlenih je 10, od kojih su 3 lica imenovana na mandatni period (direktor Kancelarije, dva zamjenika direktora - rukovodilac Sektora za prevenciju korupcije i rukovodilac Sektora za koordinaciju aktivnosti na suzbijanju korupcije) i 7 službeničkih radnih mjesta. Kada je u pitanju kadrovsko popunjavanje, Kancelarija u punom kapacitetu, sa svih 10 zaposlenih radi počev od 23.05.2022.godine. U izvještajnom periodu zaposleni iz Kancelarije učestvovali su aktivno na seminarima i radionicama, te je neophodno nastaviti sa daljnjim trendom jačanja ljudskih resursa u Kancelariji.

Uspostavljen je efikasan sistem finansijskog upravljanja i kontrole i ostvarena je dobra saradnja sa Centralnom harmonizacionom jedinicom Direkcije za finansije Brčko distrikta BiH. Imenovana su lica u svojstvu koordinatora za razvoj sistema interne kontrole i urađena Izjava o fiskalnoj odgovornosti.

Kancelarija je uspostavila uspješnu saradnju sa Kancelarijom za reviziju javne uprave i institucija u Brčko distriktu BiH. Tokom 2022. godine Kancelarija je bila predmet prerezivizije za 2022. godinu.

## **PRAVNA REGULATIVA I NADLEŽNOSTI KANCELARIJE ZA PREVENCIJU KORUPCIJE I KOORDINACIJU AKTIVNOSTI NA SUZBIJANJU KORUPCIJE**

Zakonom o Kancelariji propisuju se antikorupcijski principi i osniva Kancelarija.

Sve javne službe u Distriktu svoj rad zasnivaju na sljedećim antikorupcijskim principima: jednak tretman i nediskriminacija, zabrana korumpiranog ponašanja, što znači da javni službenici ne smiju u obavljanju svoje dužnosti tražiti ili prihvatiti nedopuštenu korist za obavljanje svoje dužnosti, transparentnost i javna kontrola i zaštita prijavitelja korupcije.

U obavljanju svog djelokruga rada propisanog Zakonom, Kancelarija se pridržava sljedećih principa rada: zakonitost, transparentnost i javna kontrola, interakcija, kontinuitet, efikasnost, ekonomičnost, odgovornost i dosljednost.

Kancelarija je nadležna za prevenciju korupcije kao i koordinaciju aktivnosti na suzbijanju korupcije u institucijama javnog i privatnog sektora kod: nosilaca funkcija u zakonodavnoj, izvršnoj i sudskoj vlasti Distrikta, državnih i javnih službenika, namještenika i policijskih službenika Distrikta, članova organa upravljanja, ovlaštenih i drugih lica u javnim preduzećima, javnim ustanovama i drugim pravnim licima koje je osnovao Distrikt i pravnim licima i preduzetnicima, ovlaštenim licima u kulturnim i sportskim ustanovama, fondacijama, udruženjima i nevladinim organizacijama.

Kancelarija je u proteklom periodu obavljala poslove iz svoje nadležnosti.

Kancelarija je donosila odluke, rješenja, ovlaštenja, inicijative, zaključke i druge opšte i pojedinačne akte shodno zakonima Brčko distrikta BiH. Kancelarija je donijela Uputstvo o vršenju kancelarijskog poslovanja Kancelarije za prevenciju korupcije i koordinaciju aktivnosti na suzbijanju korupcije Brčko distrikta BiH broj: 19-S3-48-09/22 od 28.03.2022.godine.

U izvještajnom periodu direktor Kancelarije je donio Pravilnik o čuvanju i upotrebi pečata u Kancelariji za prevenciju korupcije i koordinaciju aktivnosti na suzbijanju korupcije Brčko distrikta BiH („Službeni glasnik Brčko distrikta BiH“, broj:34/22), Pravilnik o stručnom usavršavanju u Kancelariji za prevenciju korupcije i koordinaciju aktivnosti na suzbijanju korupcije Brčko distrikta BiH („Službeni glasnik Brčko distrikta BiH“, broj:34/22 ), Pravilnik o internoj kontroli Kancelarije za prevenciju korupcije i koordinaciju aktivnosti na suzbijanju korupcije Brčko distrikta BiH („Službeni glasnik Brčko distrikta BiH“, broj:34/22), Odluku o registru zaposlenih i registru imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH („Službeni glasnik Brčko distrikta BiH“, broj:42/22), zatim Instrukciju o internom prijavljivanju korupcije i zaštiti lica koja prijavljuju korupciju u Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj:01/23).Pored navedenog, u fazi izrade su i akt o procjeni upravljanja rizikom u operativnim procesima Kancelarija, kao i akt o web stranici Kancelarije.

Kancelarija je takođe izradila i Trogodišnji i godišnji plan rada Kancelarije.

Kancelarija je provodila aktivnosti na izradi novog Zakona o Kancelariji za prevenciju korupcije i koordinaciju aktivnosti na suzbijanju korupcije sa predstavnicima OHR-a i drugih međunarodnih institucija, kao i na izradi Pravilnika o izmjenama Pravilnika o unutrašnjoj organizaciji Kancelarije za prevenciju korupcije i koordinaciju aktivnosti na suzbijanju korupcije.

## **PRIKUPLJANJE I ANALIZIRANJE STATISTIČKIH I DRUGIH PODATAKA**

U skladu sa članom 4 stav (1) tačka a) Pravilnika o unutarnjoj organizaciji Kancelarije za prevenciju korupcije i koordinaciju aktivnosti na suzbijanju korupcije u Sektoru za prevenciju korupcije obavljaju se poslovi prikupljanja i analiziranja statističkih i drugih podataka. Sektor za prevenciju korupcije je u izvještajnom periodu kontinuirano radio na prikupljanju i analiziranju statističkih i drugih podataka u vezi s prevencijom korupcije.

## **STRATEGIJA ZA BORBU PROTIV KORUPCIJE U BRČKO DISTRIKTU BiH I AKCIONI PLAN ZA PROVOĐENJE STRATEGIJE**

Odlukom Gradonačelnika Brčko distrikta BiH o imenovanju Radne grupe za izradu Strategije za borbu protiv korupcije Brčko distrikta BiH za 2022-2024. i Akcionog plana za provedbu strategije za borbu protiv korupcije Brčko distrikta BiH 2022-2024., broj predmeta: 02-000331/21, broj akta: 01.1-1413EK-002/21 od 10.11.2021. godine, imenovana je Radna grupa, za čijeg je predsjednika imenovan rukovodilac Sektora za koordinaciju aktivnosti na suzbijanju korupcije - zamjenik direktora. Zadatak Radne grupe je bio izrada nacrtu Strategije za borbu protiv korupcije Brčko distrikta BiH za 2022-2024. i Akcionog plana za provođenje strategije za borbu protiv korupcije Brčko distrikta BiH 2022-2024., a u skladu sa Strategijom za borbu protiv korupcije 2020-2024. na nivou Bosne i Hercegovine, Akcionim planom za provođenje Strategije za borbu protiv korupcije 2020-2024. na nivou Bosne i Hercegovine, Smjernicama za strateško planiranje antikorupcionih politika u Bosni i Hercegovini i nadležnostima Brčko distrikta BiH i u skladu sa Statutom i zakonima Brčko distrikta BiH. Nacrt Strategije za borbu protiv korupcije Brčko distrikta BiH 2022-2024. godina objavljen je na stranici Vlade Brčko distrikta BiH 06.07.2022. godine i bio je vidljiv 10 dana od dana objave. Na pomenuti Nacrt Strategije nije bilo komentara, pa je isti upućen Vladi Brčko distrikta BiH na usvajanje. Strategija za borbu protiv korupcije u Brčko distrikta BiH 2022-2024. godina i Akcioni plan za sprovođenje Strategije za borbu protiv korupcije u Brčko distrikta BiH 2022-2024. godina usvojeni su od strane Vlade Brčko distrikta BiH dana 05.10.2022. godine. Pomenuti strateški dokumenti su objavljeni dana 01.12.2022. godine u "Službenom glasniku Brčko distrikta BiH" broj 43/22.

Strategija za borbu protiv korupcije u Brčko distrikta BiH 2022. – 2024. godina, kao opšti okvir za borbu protiv korupcije u Brčko distrikta BiH obuhvata ciljeve i mjere koje su značajne i mogu se primjenjivati u borbi protiv korupcije. Strateški ciljevi koji se u Brčko distrikta BiH trebaju postići provođenjem Strategije jesu prevencija korupcije; suzbijanje korupcije; razvijanje svijesti o štetnosti korupcije i saradnja s civilnim društvom, te koordinacija, monitoring i evaluacija antikoruptivnih aktivnosti. Svaki od strateških ciljeva sadrži strateške programe koji određuju prioritete oblasti u kojima treba djelovati, a u okviru svakog strateškog programa definirane su aktivnosti. Strategiju prati Akcioni plan za sprovođenje Strategije za borbu protiv korupcije u Brčko distrikta BiH 2022.-2024. godina, koji sadrži konkretne mjere i aktivnosti za reliziranje strateških ciljeva, očekivane rezultate, indikatore uspješnosti ostvarivanja aktivnosti koje su planirane, nosioce provođenja aktivnosti i na posljetku rokove za realiziranje aktivnosti. Akcioni plan prevodi strateške programe i aktivnosti utvrđene za svaki strateški cilj u specifične, vremenski određene i isplanirane aktivnosti koje uzimaju u obzir okolnosti i prioritete. Akcioni plan za sprovođenje Strategije za borbu protiv korupcije u Brčko distrikta BiH 2022.-2024. godina sadrži ukupno 124 aktivnosti. U prvoj godini predviđeno je 25 aktivnosti, u drugoj godini predviđeno je 38 aktivnosti, u trećoj godini predviđeno je 5 aktivnosti, dok je u cjelokupnom razdoblju primjene Akcionog plana predviđeno i 56 kontinuiranih aktivnosti.

Kancelarija je u prvoj godini realizirala 5 od ukupno 7 aktivnosti iz Akcionog plana za sprovođenje Strategije za borbu protiv korupcije u BiH 2022.-2024. godina u kojima je neposredni provoditelj i to: 1.1.1.1. Izvršiti sveobuhvatnu analizu postojećih nadležnosti i pravnog osnova za rad tijela; 1.1.1.2. Analizirati praksu profesionalizacije antikoruptivnih tijela drugih nivoa vlasti u BiH; 4.1.1.2. Standardizirati procedure razmjene informacija, izvještavanja i saradnje između Kancelarije i kontakt osoba u institucijama; 4.2.1.1. Analiza postojećeg stanja u oblasti saradnje Kancelarije i drugih institucija Brčko distrikta BiH u pogledu prikupljanja podataka potrebnih za suzbijanje korupcije; 4.2.2.1. Izrada smjernica kontakt tačkama kako postupiti u ispunjenju antikoruptivnih zadataka.

Pored aktivnosti iz Akcionog plana u kojima je Kancelarija neposredni provoditelj aktivnosti, Kancelarija je u prvoj godini realizirala 2 od 11 aktivnosti u kojima je Kancelarija zajedno sa drugim institucijama Brčko distrikta BiH naznačena kao provoditelj i to: 4.1.1.1. Imenovanje kontakt i zamjenskih osoba u organima javne uprave i svim institucijama u Brčko distriktu BiH i kreirati smjernice za rad; 4.1.1.3. Donijeti Pravilnik o internom prijavljivanju korupcije i zaštiti lica koja prijavljuju korupciju u institucijama Brčko distrikta BiH. Također, djelimično je realizirana i aktivnost 2.2.3.1. Unaprijediti veze između Policije Brčko distrikta BiH i drugih organa u borbi protiv korupcije.

#### **UKAZIVANJE RELEVANTNIM INSTITUCIJAMA NA POSTOJANJE ODREDBI U NACRTIMA I PRIJEDLOZIMA ZAKONA, PODZAKONSKIH I OPŠTIH AKATA KOJE BI U PRIMJENI MOGLE IZAZVATI KORUPTIVNE RADNJE**

U skladu sa članom 9 stav (1) tačka e) Zakona o kancelariji za prevenciju korupcije i koordinaciju aktivnosti na suzbijanju korupcije Kancelarija je nadležna ukazivati predlažaču i Skupštini Brčko distrikta BiH na postojanje odredbi u nacrtima ili prijedlozima zakona, podzakonskim i opštim aktima koje bi u primjeni mogle da izazovu koruptivne radnje.

Kancelarija je u izvještajnom periodu dala ukupno **19** mišljenja na nacрте zakona, kako slijedi:

- Nacrt Zakona o dopunama Zakona o porezu na dobit;
- Nacrt Zakona o izmjenama i dopunama Zakona o pravnim licima koja osniva Brčko distrikt BiH;
- Nacrt Zakona o izmjeni Zakona o Direkciji za financije Brčko distrikta Bosne i Hercegovine;
- Nacrt Zakona o dopunama Zakona o javnoj imovini Brčko distrikta Bosne i Hercegovine;
- Nacrt Zakona o dopuni Zakona o sportu Brčko distrikta Bosne i Hercegovine;
- Nacrt Zakona o izmjeni i dopunama Zakona o porezu na dobit;
- Nacrt Zakona o dopunama Zakona o udruženjima i fondacijama Brčko distrikta Bosne i Hercegovine;
- Nacrt Zakona o izmjenama i dopuni Zakona o Javnom preduzeću "Luka Brčko" Brčko distrikt Bosne i Hercegovine;
- Nacrt Zakona o izmjenama i dopunama Zakona o sportu u Brčko distriktu Bosne i Hercegovine;
- Nacrt Zakona o djelatnosti osiguranja u Brčko distriktu Bosne i Hercegovine;
- Nacrt Zakona o izmjeni Zakona o papirima od vrijednosti;
- Nacrt Zakona o izmjeni Zakona o porezu na dohodak;
- Nacrt Zakona o izmjeni Zakona o platama i drugim naknadama pravobranioca i zamjenika pravobranioca u Pravobranilaštvu Brčko distrikta Bosne i Hercegovine,
- Nacrt Zakona o izmjeni Zakona o platama i naknadama korisnika budžetskih sredstava u Skupštini Brčko distrikta Bosne i Hercegovine, Izornoj komisiji Brčko distrikta Bosne i Hercegovine i Kancelariji za reviziju javne uprave i institucija u Brčko distriktu Bosne i Hercegovine;

- Nacrt Zakona o izmjenama Zakona o platama i naknadama zaposlenih u Policiji Brčko distrikta Bosne i Hercegovine;
- Nacrt Zakona o izmjeni Zakona o platama i naknadama zaposlenih u Pravosuđu Brčko distrikta Bosne i Hercegovine;
- Nacrt Zakona o izmjeni Zakona o platama i drugim naknadama sudija i tužilaca u Brčko distriktu BiH;
- Nacrt Zakona o izmjeni Zakona o platama i naknadama u organima javne uprave i institucijama Brčko distrikta Bosne i Hercegovine;
- Nacrt Zakona o socijalnom stanovanju u Brčko distriktu Bosne i Hercegovine.

U izvještajnom periodu Kancelarija je dala svoje mišljenje i na jedan od prijedloga zakona, a u pitanju je prijedlog Zakona o advokaturi Brčko distrikta Bosne i Hercegovine.

Pored navedenog, Kancelarija je u izvještajnom periodu dostavila Kancelariji koordinadora za reformu javne uprave Vlade Brčko distrikta BiH komentare na prednacrt Zakona o javnoj upravi Brčko distrikta BiH.

### **POSLOVI IZ NADLEŽNOSTI KANCELARIJE A KOJI SU VEZANI ZA PREVENCIJU KORUPCIJE**

U skladu sa nadležnostima Kancelarije koje su propisane članom 9 Zakona o Kancelariji za prevenciju korupcije i koordinaciju aktivnosti na suzbijanju korupcije, a koje su vezane za Sektor za prevenciju korupcije, možemo navesti da je u mjesecu decembru 2022. godine izrađena Jedinствена metodologija i Smjernice za izradu planova integriteta u skladu s državnim Smjernicama i Metodologijom za izradu plana integriteta, koje će organima javne uprave i institucijama Brčko distrikta BiH olakšati izradu Plana integriteta koji je značajan interni antikoruptivni dokument preventivnog karaktera i jedan od glavnih alata u borbi protiv korupcije, a što će omogućiti uspostavljanje mehanizama koji će uticati na smanjenje rizika za nastanak korupcije i drugih nepravilnosti u svim oblastima funkcionisanja organa javne uprave i institucija Brčko distrikta BiH.

U vezi s članom 10 Zakona o Kancelariji za prevenciju korupcije i koordinaciju aktivnosti na suzbijanju korupcije i u skladu sa Strategijom za borbu protiv korupcije u Brčko distriktu BiH 2022. - 2024. godina, Strateškim programom 4.1.1. Imenovanje koordinadora antikoruptivnih aktivnosti u svim subjektima provođenja koji će biti u obavezi da saraduju i koordiniraju s Kancelarijom, a s ciljem realiziranja aktivnosti iz Akcionog plana za provedbu Strategije za borbu protiv korupcije u Brčko distriktu BiH 2022. - 2024. godina, 4.1.1.1. Imenovanje kontakt i zamjenskih osoba u organima javne uprave i svim institucijama u Brčko distriktu BiH i kreirati smjernice za rad, Kancelarija se u junu mjesecu 2022. godine obratila organima javne uprave i institucijama u Brčko distriktu BiH zahtjevom za imenovanje kontakt i zamjenskih osoba. Cjelokupan proces imenovanja kontakt i zamjenskih osoba u organima javne uprave i svim institucijama u Brčko distriktu BiH završen je krajem mjeseca oktobra 2022. godine, kada je i posljednja institucija dostavila podatke o kontakt osobi koja će unutar te institucije biti u obavezi da saraduje i koordinira s Kancelarijom. Na taj način je u okviru javne uprave i institucija u Brčko distriktu BiH imenovano ukupno 39 kontakt osoba i 35 zamjenskih kontakt osoba koje će biti u obavezi da saraduju i koordiniraju s Kancelarijom u oblasti antikoruptivnih aktivnosti.

U vezi s članom 10 Zakona o Kancelariji za prevenciju korupcije i koordinaciju aktivnosti na suzbijanju korupcije i u skladu sa Strategijom za borbu protiv korupcije u Brčko distriktu BiH 2022. - 2024. godina, Strateškim programom 4.2. Prikupljanjem vjerodostojnih podataka o sprovođenju antikoruptivnih aktivnosti, analiza i izvještavanje, a s ciljem realiziranja aktivnosti iz Akcionog plana za provođenje Strategije za borbu protiv korupcije u Brčko distriktu BiH 2022. - 2024. godina, 4.2.2.1. Izrada Smjernica kontakt tačkama kako postupiti u ispunjenju antikoruptivnih zadataka, izrađene su Smjernice za postupanje kontakt tačkama u ispunjenju

antikoruptivnih zadataka, razmjeni informacija, izvještavanju i saradnji sa Kancelarijom za prevenciju korupcije i koordinaciju aktivnosti na suzbijanju korupcije u Brčko distriktu BiH, u oktobru mjesecu 2022. godine. Smjernice predstavljaju niz preporuka i mjera koje će omogućiti javnom sektoru bolju komunikaciju i saradnju sa Kancelarijom, a s ciljem sprečavanja korupcije, te kreiranja i implementiranja antikoruptivnih dokumenata. Smjernice su proslijeđene svim imenovanim i zamjenskim kontakt tačkama u organima javne uprave, institucijama, javnim preduzećima, javnim ustanovama i drugim pravnim licima koja je osnovao Brčko distrikt BiH.

## **PRIJAVE SA INDICIJAMA KORUPTIVNOG PONAŠANJA**

Članom 9 stavom (1) tačkom d) Zakona o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj: 25/18) propisano je da je jedna od nadležnosti Kancelarije postupanje po zaprimljenim podnescima s indicijama koruptivnog ponašanja u skladu s važećim propisima.

U periodu od 01.07.2022. godine do 31.12.2022. godine, Kancelarija je zaprimila ukupno 21 (dvadeset i jednu) prijavu sa indicijama koruptivnog ponašanja. Usporedbom broja zaprimljenih prijava u izvještajnom periodu sa brojem zaprimljenih prijava u periodu od 01.01.2022. godine do 30.06.2022. godine, vidljivo je da je u drugoj polovini 2022. godine Kancelarija zaprimila jednak broj prijava kao i u prvoj polovini 2022. godine. Najveći broj prijava zaprimljenih u izvještajnom periodu se odnosi na korupciju u oblasti **zapošljavanja, javnih nabavki i donacija.**

### **Procedura rješavanja prijava**

Kancelarija po zaprimljenim podnescima sa indicijama koruptivnog ponašanja postupa na način da:

- prvo obradi i analizira iste,
- zatim se dostavljaju upiti o navodima iz prijave organima i institucijama na koje se prijava odnosi,
- nakon zaprimljenih odgovora Kancelarija obaviještava podnosioca prijave, ukoliko on nije anonimna, o prikupljenim informacijama,
- predmet se zajedno sa prikupljenim informacijama dostavlja Tužilaštvu Brčko distrikta BiH ili Policiji Brčko distrikta BiH, na dalje postupanje.

Prijave koje su očigledno neosnovane, Kancelarija odbija donošenjem rješenja.

Shodno navedenom, Kancelarija je sve prijave zaprimljene u izvještajnom periodu obradila i analizirala, nakon čega je poslala upit organu ili instituciji na koju se prijava odnosi. Nakon dostavljenih odgovora, Kancelarija je obavijestila podnosioca o prikupljenim informacijama (ukoliko je poznat podnosilac prijave).

Jedanaest prijava koje su zaprimljene u izvještajnom periodu su nakon obrade, utvrđivanja činjeničnog stanja i prikupljenih informacija, proslijeđene na postupanje Tužilaštvu Brčko distrikta BiH ili Policiji Brčko distrikta BiH, dvije neosnovane prijave Kancelarija je odbila donošenjem rješenja, a ostali predmeti su i dalje u proceduri. U izvještajnom periodu Kancelarija je u vezi sa prijavama zaprimljenim od 01.07.2022. godine do 31.12.2022. godine, uputila 21 upit o navodima iz prijave. Kancelarija je zaprimila 16 odgovora na upit, a u 2 slučaja poslana je urgencija zbog nedostavljanja odgovora. (Tabela broj 1)

**Tabela broj 1 - Tabelarni pregled podnesaka sa indicijama koruptivnog ponašanja zaprimljenih u periodu od 01.07.2022. godine do 31.12.2022. godine**

<b>PRIJAVE SA INDICIJAMA KORUPTIVNOG PONAŠANJA ZAPRIMLJENE U PERIODU OD 01.07.2022-31.12.2022 GODINE</b>	
<b>Broj zaprimljenih prijava</b>	<b>21</b>
<b>Broj poslanih upita</b>	<b>21</b>
<b>Broj zaprimljenih odgovora</b>	<b>16</b>
<b>Broj upućenih urgencija</b>	<b>2</b>
<b>Broj rješenja kojim se prijava odbija kao neosnovana</b>	<b>2</b>
<b>Broj predmeta upućenih nadležnim organima na postupanje</b>	<b>11</b>
<b>Broj predmeta koji su i dalje u proceduri</b>	<b>8</b>

Što se tiče ukupnog broja zaprimljenih prijava, Kancelarija je zaprimila 55 prijava sa indicijama koruptivnog ponašanja od čega je 23 predmeta nakon obrade, utvrđivanja činjeničnog stanja i prikupljenih informacija dostavljeno na postupanje Policiji Brčko distrikta BiH, odnosno Tužilaštvu Brčko distrikta BiH, 6 predmeta je okončano donošenjem rješenja kojim se prijava odbija kao neosnovana, jedan donošenjem zaključka kojim se prijava odbacuje zbog nenadležnosti, a ostali predmeti su i dalje u proceduri (Tabela broj 2).

**Tabela broj 2 - Tabelarni pregled ukupnog broj zaprimljenih podnesaka sa indicijama koruptivnog ponašanja u periodu od 01.01.2022.godine do 31.12.2022.godine**

<b>UKUPAN BROJ ZAPRIMLJENIH PRIJAVA U PERIODU OD 01.01.2022.-31.12.2022.GODINE</b>	
<b>Broj zaprimljenih prijava</b>	<b>55</b>
<b>Broj poslanih upita</b>	<b>55</b>
<b>Broj zaprimljenih odgovora</b>	<b>45</b>
<b>Broj upućenih urgencija</b>	<b>4</b>
<b>Broj rješenja kojim se prijava odbija kao neosnovana</b>	<b>6</b>
<b>Broj zaključaka koji se prijava odbacuje kao neosnovana</b>	<b>1</b>
<b>Broj predmeta upućenih nadležnim organima na postupanje</b>	<b>23</b>
<b>Broj predmeta koji su i dalje u proceduri</b>	<b>25</b>

## **ZAŠTITA LICA KOJA PRIJAVLJUJU KORUPCIJU**

Skupština Brčko distrikta BiH je 2018. godine usvojila Zakon o zaštiti lica koja prijavljuju korupciju („Službeni glasnik Brčko distrikta BiH“, broj: 25/18), kojim je uređen status lica koja prijavljuju korupciju u organima javne uprave i institucijama Brčko distrikta Bosne i Hercegovine, javnim preduzećima, javnim ustanovama, fondovima i drugim pravnim licima koje je osnovao Brčko distrikt Bosne i Hercegovine, pravnim licima i samostalnim preduzetnicima, postupak prijavljivanja, obaveze organa javne uprave, institucija i drugih pravnih lica koje je osnovao Distrikt, pravnih lica i preduzetnika u vezi sa prijavljivanjem korupcije, postupak zaštite lica koja prijavljuju korupciju, te propisuju sankcije za povrede odredbi ovog zakona.

Što se tiče procedure odlučivanja o zahtjevu za dodjelu statusa zviždača Kancelarija postupa tako što dodjeljuje status zviždača podnositelju zahtjeva u skladu sa članom 7 stavom (1) Zakona o zaštiti osoba koje prijavljuju korupciju („Službeni glasnik Brčko distrikta BiH“, broj: 25/18) kojim je propisano da će Kancelarija na osnovu prijave podnesene u dobroj vjeri dodijeliti status zviždača osobi koja je podnijela prijavu, u roku od 30 dana od dana obraćanja Kancelariji, bez obzira da li su štetne radnje nastupile ili se samo sumnja da bi se mogle dogoditi. Status zviždača dodjeljuje se samo podnositelju zahtjeva koji je ranije podnio prijavu zbog sumnje ili okolnosti na postojanje korupcije, a zaštićeno prijavljivanje teče od dana podnošenja takve prijave u skladu sa članom 7 stavom (2) Zakona. Kancelarija će u skladu sa članom 9 stavom (1) Zakona obustaviti pružanje zaštite zviždaču, donošenjem odluke o obustavi pružanja zaštite zviždaču, ako se u toku postupka koji vodi Kancelarija dokaže da osoba kojoj je dodjeljen status zviždača prilikom podnošenja prijave zbog sumnje ili okolnosti na postojanje korupcije nije postupila u dobroj vjeri. Ukoliko se otkrije da je zviždač svjesno podnio lažnu prijavu o koruptivnom ponašanju Kancelarija će, ukoliko utvrdi da ova radnja sadrži elemente krivičnog djela, podnijeti krivičnu prijavu protiv ove osobe.

Kancelarija je u izvještajnom periodu zaprimila ukupno 2 zahtjeva za zaštitu lica koja prijavljuju korupciju. Usporedbom broja zaprimljenih zahtjeva za dodjelu statusa zviždača u izvještajnom periodu sa brojem zaprimljenih zahtjeva za dodjelu statusa zviždača u periodu od 01.01.2022. godine do 30.06.2022. godine, vidljivo je da je u drugoj polovini 2022. godine Kancelarija zaprimila jednak broj zahtjeva za dodjelu statusa zviždača kao i u prvoj polovini 2022. godine, odnosno Kancelarija je zaprimila ukupno 4 zahtjeva za dodjelu statusa zviždača i u svim slučajevima dodijeljen je status zviždača podnosiocu zahtjeva. U izvještajnom periodu Kancelarija nije utvrdila postojanje štetnih radnji prema zaštićenim licima, te usljed toga nije bilo potrebe da se donose instrukcije s ciljem otklanjanja istih.

### **REGISTAR ZAPOSLENIH I REGISTAR IMENOVANIH LICA U ORGANIMA JAVNE UPRAVE, INSTITUCIJAMA, JAVNIM PREDUZEĆIMA, USTANOVAMA, ZAVODIMA I FONDOVIMA BRČKO DISTRIKTA BIH**

Registar zaposlenih i Registar imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH (u daljem tekstu: Registri) su uspostavljeni Odlukom o Registru zaposlenih i Registru imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH, broj predmeta: 05-000185/20, broj akta: 01.11.-1161DS-013/20 od 22.07.2018. godine. U članu 9 stav (1) iste Odluke propisano je da Registre vodi Pododjeljenje za ljudske resurse do početka rada Kancelarije, nakon čega će Kancelarija preuzeti obaveze unosa podataka i vođenja Registara.

Zapisnikom o primopredaji, broj predmeta: 05-000185/20, broj akta: 02-1348NH-0029/22 od 15.08.2022. godine, koji je potpisan od strane šefa Odjeljenja za stručne i administrativne poslove, šefa Pododjeljenja za ljudske resurse i direktora Kancelarije, izvršena je primopredaja Registara između Pododjeljenja za ljudske resurse i Kancelarije. Prema tome, od dana 15.08.2022. godine Kancelarija vodi i ažurira navedene Registre. Odlukom o imenovanju ovlaštene i zamjenske osobe za upravljanje Registrom zaposlenih i registrom imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH, broj predmeta: 33-19-0031/22, broj akta: 1/22 od 21.06.2022. godine Kancelarija je imenovala ovlaštenu i zamjensku osobu za upravljanje Registrima. Imenovana i zamjenska osoba za upravljanje Registrima su prošle potrebnu obuku za upravljanje Registrima. Sektor za koordinaciju aktivnosti na suzbijanju korupcije (u daljem tekstu: Sektor) je, putem ovlaštene osobe za upravljanje Registrom zaposlenih i Registrom imenovanih lica, u izvještajnom periodu kontinuirano vršio ažuriranje podataka u pomenutim Registrima.

Članom 8 stavom (1) Odluke o Registru zaposlenih i registru imenovanih lica u organima javne uprave, institucijama, javnim poduzećima, ustanovama, zavodima i fondovima Brčko distrikta BiH, broj predmeta: 33-19-0114/22, broj akta: 01/22 od 31.10.2022. godine propisano je da podatke za Registar zaposlenih za zaposlene u organima javne uprave dostavlja Odjel za stručne i administrativne poslove - Pododjel za ljudske resurse, a podatke za Registar imenovanih svako Odjeljenje pojedinačno Kancelariji, radi unosa i održavanja navedenih registara ažurnim, dok je stavom (2) istog člana propisano da su institucije, javna poduzeća, ustanove, zavodi i fondovi Brčko distrikta BiH dužni da Kancelariji dostavljaju podatke za Registar zaposlenih i Registar imenovanih.

Podaci se dostavljaju na propisanom elektronskom obrascu, te se po završetku unosa popunjen elektronski obrazac štampa, ovjerava pečatom i potpisom i zajedno sa elektronskom verzijom popunjenog obrasca dostavlja Kancelariji. Podaci o novozaposlenim, odnosno imenovanim licima, kao i sve promjene istih, dostavljaju se u roku od 5 dana od dana zasnivanja, imenovanja ili nastanka promjene podataka koji je od značaja za pravilno vođenje registara. Izmjena unesenih podataka vrši se na osnovu pisanog zahtjeva organa javne uprave, institucije, javnog poduzeća, ustanove, zavoda i fonda Brčko distrikta BiH.

## **SARADNJA SA AGENCIJOM ZA PREVENCIJU KORUPCIJE I KOORDINACIJU BORBE PROTIV KORUPCIJE I INSTITUCIJAMA BIH, KAO I SARADNJA S DOMAĆIM NAUČNIM I STRUČNIM ORGANIZACIJAMA, MEDIJIMA I NEVLADINIM ORGANIZACIJAMA PO PITANJU PREVENCIJE KORUPCIJE I RAZVOJA EDUKACIJSKIH PROGRAMA U VEZI S PREVENCIJOM KORUPCIJE I KOORDINACIJOM AKTIVNOSTI NA SUZBIJANJU KORUPCIJE**

U proteklom periodu Kancelarija je imala kontinuiranu saradnju sa Agencijom za prevenciju korupcije i koordinaciju borbe protiv korupcije Bosne i Hercegovine (APIK) i punu podršku u komunikaciji i stručnoj pomoć.

Održano je nekoliko zajedničkih sastanaka, a na sastanku održanom u kabinetu direktora Agencije za prevenciju korupcije i borbu protiv korupcije Bosne i Hercegovine u Istočnom Sarajevu dana 29.03.2022. godine osnovni cilj je bio da se prikupe potrebne informacije u vezi s postupkom provjere vjerodostojnosti diploma u tijelima uprave, institucijama, zavodima, agencijama, direkcijama, javnim preduzećima i drugim tijelima.

Na osnovu Inicijative Agencije za prevenciju korupcije i koordinaciju borbe protiv korupcije, Bosne i Hercegovine broj: 05-50-3-112-5/17 od 15.05. 2019. godine i Urgencije broj: 05-50-

3-112-31/17 od 10.03.2022. godine za reviziju diploma zaposlenih u javnim ustanovama, zavodima, fondovima i drugim organima, Kancelarija je Vladi Brčko distrikta BiH uputila Inicijativu za reviziju diploma, broj predmeta: 19-P1-48-08/22; broj akta: 02/22 od 09.05.2022. godine i prijedlog Zaključka.

Inicijativom za reviziju diploma obuhvaćeni su nosioci izvršne vlasti i savjetnici nosioca izvršne vlasti, državni službenici i namještenici u odjelima Vlade i drugim organima javne uprave Brčko distrikta BiH i zaposleni u institucijama Brčko distrikta BiH (zaposleni u javnim ustanovama, zavodima, fondovima i drugim organima čiji je osnivač Brčko distrikt BiH ili se u cjelini ili djelimično finansiraju iz budžeta Brčko distrikta BiH) i javnim preduzećima koje osniva Brčko distrikt BiH.

Postupak revizije diploma svih zaposlenih u organima javne uprave Brčko distrikta BiH vršiće Upravna inspekcija Kancelarije gradonačelnika Brčko distrikta BiH u saradnji sa Kancelarijom, dok će reviziju diploma u institucijama Brčko distrikta BiH vršiti same institucije, takođe u saradnji sa Kancelarijom. Za realizaciju postupka revizije diploma predviđen je rok od godinu dana od dana usvajanja Zaključka, a revizijom diploma bit će obuhvaćeno oko 4.500 zaposlenih.

Nakon sjednice Vlade Distrikta i konsultacija na nivou Kancelarija, Odjeljenje za stručne i administrativne poslove i Inspektorat, ponovo je upućena Inicijativa Vladi Brčko distrikta BiH zajedno sa Zaključkom, dana 17.06.2022. godine.

Kancelarija je posjetila Kancelariju za borbu protiv korupcije Zeničko-dobojskog kantona, s ciljem upoznavanja sa organizacijom Kancelarije za borbu protiv korupcije Zeničko-dobojskog kantona, aktivnostima na planu prevencije i borbe protiv korupcije, te razmjene iskustva i dobre prakse u oblasti prevencije i borbe protiv korupcije.

U cilju uspostave saradnje u radu po prijavama korupcije i koruptivnih postupanja i jačanja saradnje u oblasti borbe protiv korupcije u prostorijama Policije Brčko distrikta BiH, dana 09.03.2022. godine, potpisan je Sporazum o saradnji između Kancelarije i Policije Brčko distrikta BiH. Svrha Sporazuma je uspostavljanje veće efikasnosti u prevenciji korupcije i koordinaciji aktivnosti na suzbijanju korupcije. Potpisivanju sporazuma prisustvovali su i predstavnici INL-a (Biroa za saradnju agencija za provođenje zakona u borbi protiv narkotika Vlade Sjedinjenih Američkih Država).

Na poziv nevladine organizacije Transparency International BiH zaposlenici Kancelarije su uzeli učešće na okruglom stolu pod nazivom „Stvarno vlasništvo u BiH (Beneficial Ownership) – zakonski okvir i implementacija” koji je održan u Sarajevu dana 03.03.2022. godine. Na ovom okruglom predstavljen je zakonski okvir stvarnog vlasništva u BiH i prezentirani su problemi koji su prisutni u implementaciji istog.

Na poziv nevladine organizacije Transparency International BiH zaposlenici Kancelarije su uzeli učešće na konsultativnom sastanku koji je održan u Sarajevu dana 29.03.2022. godine. Na ovom konsultativnom sastanku prezentiran je koncept metodologije za mjerenje sistema integriteta (alat za samoprocjenu integriteta) nakon čega je sa predstavnicima antikorupcijskih tijela u BiH diskutovano o modelu.

Na poziv nevladinih organizacija Transparency International BiH i Centri Civilnih Inicijativa zaposlenici Kancelarije su uzeli učešće na konferenciji pod nazivom „Prevenција korupcije u sektoru zdravstva – prezentacija dobrih praksi“, u okviru projekta „Izliječimo zdravstvo“, koja je održana u Sarajevu dana 31.05.2022. godine. Na ovoj konferenciji su predstavljeni ključni rezultati projekta „Izliječimo zdravstvo“ i prezentovane dobre prakse unapređenja preventivnih mehanizama za borbu protiv korupcije u zdravstvenom sistemu.

Zaposlenici Kancelarije sudjelovali su prezentaciji i konferenciji Misije stručne procjene o borbi protiv organiziranog kriminala i korupcije koju sprovodi Evropska komisija u BiH, a koje su zbog COVID-a 19 održani u “online” formatu (putem ZOOM-a). Prvi sastanak je održan dana 07.03.2022. godine i na istom se razgovaralo o analizi sposobnosti BiH kao države kako da uspješno odgovori na korupciju višeg nivoa, organiziranog kriminala i pranja novca, o

uspostavljanju kontakt tačkaka za različite tipove saradnje, pogotovo sa Eurojustom i ostvarivanju napretka u uspostavi praćenja rezultata na suzbijanju korupcije visokog nivoa. Takođe, na sastanku je prezentiran i izvještaj OSCE-a u vezi sa njihovim radom počevši od 2019. godine. Drugi sastanak je održan dana 11.3.2022. godine, na kojem je uslijedio nastavak prethodne konferencije Misije stručne procjene o borbi protiv organiziranog kriminala i korupcije, a na kojem je "input" stavljen na preporuke date BiH u smislu izrade strateškog pristupa na temelju procjene prijetnje u skladu sa metodologijom Europolu i posvećivanju više pažnje specijalizaciji u smislu tehnika vođenja istrage i uspostave užih odjela pri Tužilaštvima. Zaposlenici Kancelarije sudjelovali su sastanku sa SIGMA ekspertima koji je održan u "online" formatu (putem ZOOM-a). Sastanak je održan dana 08.04.2022. godine i na istom su dati odgovori na pitanja postavljena od strane SIGMA eksperata. Pitanja su se odnosila na procjenu stanja u javnoj upravi BiH za 2022. godinu u oblasti državne službe i upravljanja ljudskim potencijalima.

Na poziv Misije OSCE-a u BiH zaposlenici Kancelarije su uzeli učešće u radionici pod nazivom "Prevenција pranja novca i financiranje terorizma u vezi s neprofitnim sektorom" koja je održana 03.10.2022. godine u hotelu "Jelena" u Brčkom. Cilj radionice bio je upoznavanje s tekućim procesima izrade Nacionalne procjene rizika od pranja novca i financiranja terorizma, Zakonom o sprečavanju pranja novca i financiranju terorizma BiH i trenutnim stanjem u BiH.

Zaposlenici Kancelarije odazvali su se i na edukaciju pod nazivom "Borba protiv korupcije u Bosni i Hercegovini, iskustva i izazovi u privatnom sektoru", koja je održana 10.11.2022. godine u Sarajevu. Edukaciju je organizirala Vanjskotrgovinska komora Bosne i Hercegovine, a teme o kojima se diskutovalo su: Antikorupcija u korporativnoj kulturi, korupcija, Strategija za borbu protiv korupcije 2022.-2024. godina i lobiranja.

Zaposlenici Kancelarije učestvovali su na obuci pod nazivom "Korupcija u javnom sektoru" koju je organizirala Međunarodna akademija za provođenje zakona. Obuka je održana u prostorijama ove akademije u Budimpešti, Mađarska u razdoblju od 14.11. do 18.11.2022. godine. Obuci su prisustvovala delegacije iz Mađarske, Sjeverne Makedonije, Albanije i Bosne i Hercegovine. Na obuci su obrađene sljedeće teme: Razumijevanje korupcije, Uvod/pozadina borbe protiv korupcije i pravnih sistema, Vrste korupcije, razlozi i efekti korupcije, Studije slučaja, Granice i ugovori, Korupcija u organima za sprovođenje zakona, Korupcija u pravosuđu, Inostrani zlonamjerni uticaji, Međunarodni partneri i studija slučaja, Etika u organima za provođenje zakona, Istražne tehnike. Tokom cijelog trajanja obuke radene su praktične vježbe, te su razmijenjena iskustva s ostalim učesnicima obuke na polju korupcije u javnom sektoru.

Na poziv nevladine organizacije Transparency International BiH zaposlenici Kancelarije su uzeli učešće na konferenciji pod nazivom „Transparentnost pravosuđa u Bosni i Hercegovini“, koja je održana u Sarajevu dana 06.12.2022. godine. Na ovoj konferenciji je predstavljena analiza nivoa transparentnosti pravosudnih institucija u Bosni i Hercegovini, koja je urađena u okviru projekta "Unapređenje odgovornosti kroz jačanje mreža organizacija civilnog društva – SANCUS".

Zaposlenici Kancelarije učestvovali su na obuci koju je organizirala Misija OSCE-a u BiH za Kancelariju. Obuka je imala za cilj da zaposlenicima Kancelarije bliže predstavi pojam korupcije i povezane pojmove (sukob interesa, nepotizam, zaštita uzbunjivača i sl.), uzroke korupcije, posljedice korupcije i modalitete borbe protiv korupcije s naglaskom na antikorupcijska tijela. Obuka je održana 08.12.2022. godine u hotelu "Jelena" u Brčkom.

Dana 09.12.2022. godine Kancelarija je učestvovala na obilježavanju Dana borbe protiv korupcije u Sarajevu, koji je organizovan od strane Agencije za prevenciju korupcije i koordinaciju borbe protiv korupcije. Tema panela je bila izlaganje trenutnog stanja u Kancelariji za prevenciju korupcije i koordinaciju aktivnosti na suzbijanju u Brčko distriktu BiH.

Kancelarija je učestvovala i na dvodnevnoj Konferenciji koja je održana u Sarajevu. Tema konferencije je bila "Pristup otvorenim podacima i digitalizaciji".

Kancelarija je učestvovala na većem broj sastanaka sa predstavnicima misije OSCE-a u BiH u vezi sa rješavanjem tehničkim pitanja neophodnih za rad i funkcionisanje Kancelarije.

Zaposlenici Kancelarije, na poziv Direkcije za finansije Brčko distrikta BiH, a u organizaciji DAI human dynamic Sarajevo – Daljnja podrška upravljanju javnim finansijama u Bosni i Hercegovini za izradu programskog budžeta, učestvovali su na obuci " Obuka budžetskih korisnika u oblasti programskog budžetiranja u vezi sa strateškim i srednjoročnim planovima" u period 09.06.-10.06.2022.godine u hotelu Jelena Brčko distrikt BiH.

Zaposlenici Kancelarije učestvovali su na obuci za Izradu izvještaja o radu za 2022.godinu, dana 28.11.2022.godine u Omladinskom centru, u organizaciji Sektora za strateško planiranje uz podršku UNDP-a.

Zaposlenici Kancelarije učestvovali su na obuci u vezi sa primjenom izmjena i dopuna Zakona o javnim nabavkama, koju je organizovalo Pododjeljenje za javne nabavke dana 29.11.2022.godine u prostorijama sale/amfiteatra u novoj zgradi Policije Brčko distrikta BiH.

## ZAKLJUČNA RAZMATRANJA

U proteklom periodu zbog angažovanosti Kancelarije u organizovanju rada tj. obezbjeđenju poslovnog prostora, realizacije kapitalnih projekata, realizaciji planiranih tekućih rashoda, kadrovske popunjavanja, Kancelarija nije imala zapažene aktivnosti u dijelu informisanja javnosti o radu Kancelarije. Za ostale aktivnosti vezane za javnost rada nije bilo dovoljno odobrenih budžetskih sredstava, uslova i potrebe.

Izvještajni period, prije svega, karakterišu aktivnosti izrade i usvajanja Strategije za borbu protiv korupcije u Brčko distriktu BiH 2022-2024.godina i Akcionog plana za provedbu Strategije. Osim toga posebna pažnja posvećena je realizaciji zadataka iz Zakona o Kancelariji za prevenciju korupcije i koordinaciju aktivnosti na suzbijanju korupcije Brčko distrikta BiH i Zakona o zaštiti lica koja prijavljuju korupciju Brčko distrikta BiH (set antikorupcionih zakona).

Preduzete su sve neophodne mjere i radnje kako bi se osiguralo namjensko, svrsishodno i zakonito korištenje sredstava odobrenih u budžetu, s ciljem realizacije planiranih ciljeva, te ekonomičnog, efikasnog i efektivnog funkcionisanja sistema finansijskog upravljanja i kontrole.

Poteškoće u ispunjavanju osnovnih nadležnosti Kancelarije pojavljuju se zbog nedostatka službenih telefona, softverske podrške ( Web stranica, Office licence, servera, softver za obradu predmeta iz nadležnosti Kancelarije i sl. ) i bezbjednosti poslovnog prostora i zaposlenih.

Protekli period karakteriše i niz aktivnosti u vezi sa donošenjem novog Zakona o Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH, te donošenja Izmjena i dopuna Pravilnika o unutrašnjoj organizaciji i sistematizaciji radnih mjesta Kancelarije.

Prioritetan zadatak Kancelarije jeste zakonito, transparentno, efikasno, ekonomično, odgovorno i dosljedno sprovođenje aktivnosti iz svoje nadležnosti. Provođenjem Strategije i Akcionog plana, kao i usvojenog seta antikoruptivnih zakona Kancelarija će fokusirati svoje djelovanje na prevenciju uticaja korupcije na rad javnih službenika i lica na političkom položaju, podizanju svijesti javnosti i stvaranju odnosa netolerancije u vezi sa korupcijom, razvijanju svijesti o štetnosti korupcije i saradnje sa civilnim društvom, identifikovanje i eliminisanje

uzroka korupcije, zaštitu lica koja prijavljuju korupciju, koordinaciju aktivnosti svih tijela, razmjenu informacija i uzajamnu saradnju sa Policijom, Tužilaštvom i drugim organima u Brčko distriktu BiH, nadležnim organima u Entiteta BiH i Bosni i Hercegovini, kao i imenovanim kontakt tačkama ispred institucija Brčko distrikta BiH, a sve u cilju sprečavanja koruptivnih radnji i težnji nultoj toleranciji korupcije u našoj lokalnoj zajednici. Kancelarija će kontinuirano vršiti praćenje efekata primjene zakona i podzakonskih akata koji imaju za cilj prevenciju korupcije i davanje mišljenja i instrukcija po pitanju njihove primjene. Kancelarija će provoditi aktivnosti na vođenju i ažuriranju Registra zaposlenih i Registra imenovanih lica u skladu sa dostavljenim podacima od strane organa javne uprave, institucija, javnih preuzeća, ustanova, zavoda i fondova Brčko distrikta BiH. U okviru svojih nadležnosti Kancelarija će donositi normativne i pojedinačne akte, provoditi postupke javne nabavke, te provoditi aktivnosti u vezi sa donošenjem prijedloga budžeta, zatim aktivnosti u vezi sa izvršenjem budžeta odnosno finansijskog plana Kancelarije, srednjoročnog plana, popisa sredstava i izrade izjave o fiskalnoj odgovornosti.

Između ostalog, Kancelarija će raditi na unapređenju unutrašnje organizacije Kancelarije, unapređenju pravne osnove za procese prevencije korupcije, postupanje po prijavama, zaštiti lica koja prijavljuju korupciju, poboljšanju saradnje sa medijima i organizacijama civilnog društva

Kancelarija će nastojati svojim profesionalnim i stručnim radom stvoriti povoljniju klimu za prosperitetniji i bolji život građana u Brčko distriktu BiH, te time vratiti povjerenje građana u javnu vlast.

Broj predmeta: 05-19-124/23

Broj akta: 01/23

Datum: 10.05.2023. godina



Direktor Kancelarije:

Zarko Čosić, dipl. iur. za

kriminalistiku i bezbjednost